



Lars Poulsen
Inatsisartunut ilaasortaq, Siumut

**§ 37 naapertorlugu apeqquteqaammut nr. 030/2026-mut akissuteqaat – Italiami
ukiuunerani OL-eqarneq pillugu**

Asasara Lars Poulsen

Inatsisartut suleriaasiat naapertorlugu apeqquteqarninnut qujanaq. Apeqqutitit ataani
akissavakka.

Apeqqut 1: *Naalakkersuisup qanoq Vinter-OL-imi Italiami peqataaneq suliamut atatillugu
angalanertut Naalakkersuisut ataatsimut nuna tamakkerlugu ataatsimoorinissamik
aammalu Kalaallit Nunaata tatisimaneqarnerani najummatsisimanissamik
oqariatuuteqareersut qanoq nassuiaateqarfigisinnaavaa?*

Akissut:

Piffissami eqqissisimanangitsumi allanngortoqarfiusumilu timersornerup pingaartumik
aallaavissaqartippaatigut. Naak uagut nammineq unammilligassagut nunarsuatsinnilu
ajornartoorfiit arajutsinaveersaartussaagaluarigut, peqataanissatsinnut,
nuannaarnissatsinnut ataatsimoorinittalu misigineqarnissaanut timersornerup
pisariaqartumik periarfissippaatigut. Assigiinngissutit akimorlugit timersornerup
nipilersornertulli inuit ataatsimoorinissinnaavai, pisullu annertuut ataatsimoorluta
ulluinnarni ukkassisinnaalersittarpaatigut. Timersortartut angusaqarusullutik
iliuuseqarnerisa tunniusimanerisalu isumassittarpaatigut eqqaasittarlutalu nammineq
angujumasat angulertorneqarnissaannik ilungersornerup pingaaruteqarneranik.
Taamaattumik timersortartutta nunat assigiinngitsut akornganni pisoqartillugu soorlu OL-
imi tapersorsorneqarnermik misigisaqarnissaat pingaarluinnarpoq – aamma pisortat
tungaannit. Kalaallit najuunnerisigut ersinnerulernissaq nukittorsarneqartarpoq,
attaveqaaqatigiinnerit pilersinneqartarput erfalasuttalu ataani peqataanissatsinnik
ungasinnerusumut kissaateqarnerput tapersorsorneqartarluni.

Apeqqut 2: *Naalakkersuisup Vinter-OL Italiami peqataanermigut angusassatut
naatsorsuutaasut aaliangersimasumik Kalaallit Nunaannut sunniuteqaataasussat
nassuiaateqarfigisinnaavai?*

2a. Qanoq taakku innuttaasunut toqqaannartumik piffissami uani iluaqutaappat?

Akissut:

Nammineq erfalasutta ataani nunat assigiinngitsut akornganni timersuutiniq
unammiaarnerni peqataasinnaanermik ungasinnerusumut kissaateqarneq
ingerlaqqippoq, tamannalu siunissami tigussaasumik anguneqarnissaa Naalakkersuisup
ilaatigut naatsorsuutigaa. Kinaassutsitta nunatsinnilu ilisarnaattita nunat assigiinngitsut

24-02-2026
Suliap nr. 2026 - 3567
Akt nr. 26250377

Postboks 1029
3900 Nuuk
Oqa.: +299 34 50 00
Email: ikin@nanoq.gl
www.nanoq.gl

akornganni timersornerni takutinnissaat sinniisutullu peqataasinnaaneq nunatsinni inuiaqatigiinnut pingaaruteqartorujussuuvog.

Apeqquut 3: *Danmarkimut Italiamullu suliamut atatillugu angalanermi aningaasartuutaasut tamakkiisumik qanoq annertutigippat?*

3a. Aningaasartuutit taakku Naalakkersuisup qanoq innuttaasunut piffissami uani akisussaaffeqaqusaasunut ataatsimooqqaasunullu nassuiarsinnaavai?

Akissut:

Suliamut atatillugu Danmarkimut Italiamullu angalanermut 125.000 kr.-t missaat katillugit aningaasartuutaapput. Taakku Naalakkersuisup atorfiluulla ataatsip Italiamut angalanerannut aningaasartuutaapput.

Naalakkersuisup peqataanissaa pisortatigoortumik akuersissutaammat timersuutini unammisunut isersinnaatitaavog.

Ukiuunerani OL-imi nunatsinnit sinniisuunissaq angalanerup siunertaraa. Nunat assigiinngitsut akornganni timersuutini unammiaarnermi ungasinnerusog tunaartaralugu erfalasutta ataani nunatta peqataasarnissaanik kissaateqarnitta oqallisigineqarnissaa aallarnisarneqarpoq. Nunatta erfalasua Naalakkersuisup nassarpaa, takussaasumillu peqataanikkut nunat assigiinngitsut akornganni nunatta inissinnissaa nukittorsarneqarpoq. Pisuni pisortatigoortuni sinniisutut peqataanertigut, erfalasup ersittumik atorneratigut aamma nunat assigiinngitsut akornganni suliaqartunut nunatta kinaassusianik, kulturianik politikikkullu soqutigisaanik ersersitsinikkut tamanna pisarpoq.

Apeqquut 4: *Naalakkersuisup kikkut tamarmik ataatsimoorissaannik oqariartuuteqareerluni politikikkut piffissami pingaaruteqarluninartumi nunanut allanut angalanissaq ilaatigut Vinter-OL-mut peqataajartormik pingaartitaqarnerunini qanoq inuiaqatigiinnut ataatsimooqquneqartunut oqariartuuteqartippaa?*

Akissut:

Nunat assigiinngitsut akornganni nunattalu iluani angalanerit Naalakkersuisut pingaartippaat. Italiami ukiuunerani OL-imik isiginnaarnerup pinnginnerani nunatta USA-llu akornganni pissutsit pillugit Ilulissani innuttaasunik Naalakkersuisoq ataatsimiititsisoq ilanngullugu taaneqarsinnaavog.

Apeqquut 5: *Naalakkersuisup inuttut nammineq Vinter-OL-imi peqataanissaa pingaaruteqarsimava?*

5a. Imaluunniit tamanna sipaaruteqarniarluni Kalaallit Nunaanniit aallartitatut atorfillitanit ingerlanneqarsinnaasimagaluarpa??

Akissut:

Nunat assigiinngitsut unammiaarneranni timersornermut Naalakkersuisup nunarput sinnerlugu peqataanissaa pingaaruteqarpoq. Nunatsinni pissartanngorniunnernut aamma tamanna atuuppoq. Naalakkersuisup peqataaneratigut politikikkut tapersersorneqarneq,

aamma timersortartup, kattuffiup kajumissutsimillu suleqataasumut nunap timersornikkut ineriartorneranut tapersersuisumut tapersersuineq takutinneqartarpoq. Aamma peqataanikkut nunanut allanut suleqatigiinneq periarfissinneqartarpoq, tassanilu naalakkersuisup nunat assigiinngitsut akornganni suleqatigiinneq timersornerullu iluani nunat killeqarfii akimorlugit suleqatigiinneq nukittorsartarpaa. Naalakkersuisup peqataaneratigut timersortartut kisiisa tapersersorneqartanngillat, nunalli timersornikkut ilisarnaatai pingaartitaalu nunarsuatsinni peqataanermi tapersersorneqartarput.

Italiami ukiuunerani OL-imi nunatsinni timersortartut kattuffii sinnerlugit aamma peqataasoqarpoq. Soorlu apeqqut 1-ip akinerani takuneqarsinnaasoq, ukiuunerani OL-imi naalakkersuisup peqataaneratigut ersersitsineq annertusarneqartarpoq, ataqatigiinnerit nukittorsarneqarlutik aamma nammineq erfalasup ataani peqataasinnaanngornissamut timersornerup ungasinnerusumut anguniagaqarnera tapersersorneqartarpoq.

Danmarkimi kulturimut ministerimik, Dansk Idrætsforbundimik, Elite Sport Greenlandimik aamma Kalaallit Nunaanni Timersoqatigiit Kattuffiannik ataatsimeeqatigiinnerit aaqqissuunneqarnikuupput. Taakku saniatigut tusagassiorfinnut assigiinngitsunut nunatta inissisimaneranut soqutiginninnermut tunngatillugu tusagassiutinit assigiinngitsunit apersuisoqarpoq.

Italiami ukiukkut OL-eqarneranut tunngatillugu ataatsimiinnerit saniatigut Naalakkersuisup oqartussaaffiata iluaniittut maannakkut suliat pillugit Danmarkimi ilinniartitaanermut ministeri aamma ataatsimeeqatigineqarpoq. Aamma politikerit arlaqartut ukiuunerani unammersuarnermi takussaasut ataatsimeeqatigineqarput.

Apeqqut 6: *Naalakkersuisoq isumaqarpa Vinter-OL-imut peqataaneq innuttaasut Kalaallit Nunaata inissisimanera pillugu ataatsimoornissaannik aallussinissaannillu kaammattueriarluni akisussaassuseqartumik pingaarnersiunerusoq?*

Akissut:

Nunatsinni ataatsimoornissaq, ukiuuneranilu OL-eqarnermi nunarsuatsinni timersoqatigiinnerit annersaanni peqataanissaq Naalakkersuisup pingaarluinnarnertutut isigaa. Timersortartunut nunat assigiinngitsut timersoqatigiinneranni nunarput sinnerlugu peqataanissamut anguniagaqarlutik ilungersuuteqartunut tapersersuineq Naalakkersuisup peqataaneratigut takutinneqarpoq. Timersornerup ataatsimut kulturitsinni pingaartutut inissisimanera aamma timersortartut kisimiinngitsut inuiaqatigiinnillu politikikkiknullu aalajangiisartunit tapersersorneqartut peqataanikkut naqissuserneqarpoq. Ataatsimoorneq, tapersersuineq aamma nunatut nakimaassuseq tamatuma takutippaa.

Apeqqut 7: *Vinter-OL-imi peqataanermi Naalakkersuisunik allanik peqataasoqarpa?*

Akissut:

Naamik, Italiami ukiuunerani OL-ertoqarnerani naalakkersuisunik allanik peqataasoqanngilaq.

Apeqquut 8: Naalakkersuisup ataatsimiinnerni alloriaatit aaliangersimasut suut anguneqarsimanersut Naalakkersuisoq peqataaqqartinnagu anguneqarsinnaasimanngitsunik taasaqarsinnaava?

Akissut:

Ataasiakkaanut pulanngikkaluarluni Naalakkersuisoq pingaarnersiulluni isumaqarpoq, Naalakkersuisoq peqataaqqartinnagu uku aalajangersimasut oqaloqatigiissutigineqarnissaat anguneqarsinnaasimassanngikkaluartut:


- Nunat assigiinngitsut timersornikkut unammiaarneranni timersortartut nunattalu ungasinnerusoq isigalugu erfalasutta ataani peqataasarnissaannut kissaateqarnermut tunngatillugu periarfissat oqaloqatigiissutigeqqinneqarnissaat isumatigiissutigineqarpoq.
- Kalaallit Nunaanni Timersoqatigiit Kattuffiata, Elite Sport Greenlandip aamma Danmarkimi suleqatit akornanni suleqatigiinnikkut timersornerup ineriartornissaata anguniarnissaata malitseqartinneqarnissaa oqaloqatigiissutigineqarpoq.
- Nunatsinni timersuutit allat politikikkut anguniagaqarnissaat Naalakkersuisup timersortartullu kattuffiisa oqaloqatigiissutigaat.

Apeqquut 9: Tassa imaappa Kalaallit Nunaat maanna navianartorsiornartumi inissisimajunnaarsimasoq, Naalakkersuisup piffissami matumani nunanut allanut angalanissaq ilaatigut Vinter-OL-mut peqataanissaq pingaartinneruppagu?

Akissut:

Nunarput maannakkut suli ilungersunartumiippoq, tassanilu nukittuunik attaveqaqateqartarnissaq pingaaruteqarluinnarluni. Nunat assigiinngitsut akornnganni Naalakkersuisut peqataanerisigut attaveqaqateqartarneq ersersinneqartarlunilu nukittorsarneqartarpoq, taakkunanilu nukittunerusumik siunissami inississagutta attaveqaqateqartarnerit ingerlaavartinneqartariaqarput.

Inussiarnersumik inuulluaqqusillunga



Nivi Olsen